

百代医宗

七



鼎鑪太醫院頒行內外諸科方論百代醫宗卷之七

太醫院醫官

金谿

省吾 涂紳 著述

振吾 張文英 參訂

金陵 少泉 李潮 刻行

耳論

夫耳者腎之外候也又曰腎通竅於耳故生人之初先生二腎而一陰藏焉又有相火存命門之中每挾君火之勢而侮所不勝經云一水安能勝二火此之謂也耳所以屬足少陰腎之經腎家所以寄竅于耳者也經云耳和則能知五音若精氣調和腎氣充足則耳自常聰矣然耳有左右聾証亦有左右左耳聾者有因忿怒過度則動少陽膽火故聾從左女人有之有因龍會丸主之右耳聾者有因色慾過度則動太陽膀胱相火故聾從右男子有之有因六味地黃丸主之有左右俱聾者醇酒厚味過度則動陽明胃火故從中而聾膏粱之子多有通聖散滾

痰丸主之。又有嗜慾無節，勞瘵過度，或中年之後，大病之餘，腎水枯涸，陰火上炎，故耳痒耳鳴，無日而不作矣。或如蟬噪之聲，或如鐘鼓之響，深爲患也。王節齋曰：耳鳴等症，或左或右，或時聞時塞，世人每作腎虛而治，不見功效，殊不知多屬痰火上升，鬱於耳中而爲鳴也。鬱甚而閉塞無聞，當此之疾，審其平日厚味多者，素有痰火，只宜降火清痰爲主。大抵此症，先曰痰火在上，又加之於惱怒，怒則氣上，少陽之火客於耳也。若是腎虛而鳴者，亦是膀胱相火上升之故。法宜瀉南方之火，補北方之水，無有不安者矣。錢仲陽曰：腎有補而無瀉者，厥有旨哉。丹溪曰：耳聾屬熱，少陽厥陰熱多，亦致於鬱而聾。亦有氣閉者，風熱上壅者，荆芥散犀角散，氣閉不通者，通氣飲，大病后陰虛火動而聾者，用四物湯加知母、黃柏如蟬散者，鍾鼓音者，或閉塞不通者，此係痰火上升，鬱於耳中而爲耳鳴之患。前所謂鬱甚而爲聾者，明矣。治宜清痰降火，惱怒而得者，是少陽之火客於耳，怒則氣上，宜用順氣聰耳湯，有回風入而

得其鳴如輪之閑閑然或兼掉眩宜祛風芩芷散熱用酒吞連翹有響
虛而鳴者其人必多慾當見勞怯等症宜滋腎丸補潛丸大補陰丸八
物湯加鱘知母厚味飲酒之人而得聾者宜用木香檳榔丸之類增減
用藥所以云上工之醫必有高明之見詎可據方而執論哉

滋腎丸 治耳鳴耳聾

黃柏 酒炒一兩 鹽知母一兩 酒炒一兩 肉桂 五分

右末煉蜜為丸梧桐子大每服五十丸淡鹽湯下

柴胡聰耳湯 治耳中乾結耳鳴而聾

連翹 四錢 柴胡 二錢 炙甘草 當歸身 人參 各二錢

射香 一分半 另研 菖蒲 一錢

右切一劑先煎六味五沸方入射耳煎一沸服

蔓荊子散 治上焦鬱熱耳鳴而聾及膿水不乾

炙甘草 升麻 木通 赤芍 桑白皮



麥門冬

生地黃

前胡

菊花

赤茯苓

蔓荊子

各五分

右切一劑煎服

黍粘子湯

治耳痛生瘡

昆布

蘇木

生薑草

蒲黃

草龍膽

各三分

黍粘子

連翹

生地黃

當歸

黃芩

黃連

各三分

柴胡

黃芪

各四分

桔梗

一錢二分

杏仁

三箇去尖

紅花

少許

右切一劑煎服

蛇退散

治耳內忽大痛如蟲在內奔走或有血水流出血或乾痛不可忍

蛇退皮不拘多少燒存性細末用鴉管吹入耳中神效

清神散

治風氣壅上頭目不清耳常重聽

薑蚕

去嘴

菊花

各一兩

荊芥穗

羌活

木通

川芎

香附

防風

石膏

各三錢

甘草

一錢

右為末每用三錢食後清茶送下



復聰湯 治痰火上攻耳聾耳鳴

半夏

陳皮

白茯苓

甘草

扁蓄

木通

瞿麥

黃柏炒各一錢

右切一劑煎服

地羊丸 治勞損耳聾

熟羊

川芎

當歸

肉桂

兔絲子

川椒炒六分

故絳

白蒺藜炒

胡蘆巴炒

杜仲炒去絲

白芷

石菖蒲各一錢

磁石火燒過一分

右為末煉蜜丸梧桐子大每用五十丸酒煎葱白湯下

磁石羊腎丸 治諸般耳聾補虛開鬱行氣散風去濕之藥

磁石三兩火煨至赤七次用童子一合

木通三兩用木同煎一日一夜去

川芎

白朮

川椒

肉棗

防風

茯苓

北細辛

山藥

遠志去心

大川烏炮



木香

當歸

鹿茸

兔絲子

黃芪

肉桂

六錢 五分

熟芋

二兩

石菖蒲

一兩 九錢

右末用羊腎一對去皮膜酒煮爛研酒糊為丸梧桐子大每服五十丸溫酒送下

余按耳聾皆屬於熱上方又用辛熱之藥不無使人疑矣殊不知耳聾俱屬痰火鬱結非磁石之鎮降川烏之流通川椒肉桂菖蒲之辛散則老痰鬱火伍出而開耳聾何出而愈雖然耳聾何由而安亦為劫功之劑當用通聖散和之可也

石膏丸

治耳中膿黃汁水流出不止者

石膏

枯礬

黃丹

炒

真

蛤粉

龍骨

各五

射香

右末待用時先將絲纏竹杖子入耳烘乾汁水再換絲杖子蘸藥入耳中即効

當歸龍會丸

治飲酒太過而耳鳴者

當歸

草龍膽

梔子

黃連

黃芩 各一兩

大黃

酒蒸

蘆薈

青黛

燒

木香

二錢五分

射香

五分

右末炒神麴為丸梧桐子大每服二十九丸薑湯下

一方有枳殼柴胡南星青皮桔梗剉碎其不見効再加四物湯

通靈丸 治耳聾神効

松香

五錢

巴豆

二十枚為末

右將松香入鍋溶化下巴豆末入葱汁為丸如蓮子大塞耳中過夜如左耳聾塞右耳右耳聾塞左耳雙耳俱聾次第交相輪塞一耳甚効不可因微物而不信凡蟲入耳急用香油灌之其蟲即出或用鷄冠血亦妙不可不信謹錄之遺驗

蟪射散

治耳出膿

桑螵蛸

一個

射香

二分

枯礬

五分

右為末用少許吹入耳中神効

吸蟲訣 治諸蟲入耳藥品不便者此法最妙

竹管入透半耳中使口用力一吸其蟲隨氣而出俗人未識此捷
通明利氣湯 治虛火上升痰火鬱於耳中或閉或鳴痰火為患或憂鬱
痞滿咽喉不利煩燥不寧

蒼朮

一錢 鹽水炒

白朮

一錢 鹽水炒

撫芎

八分

陳皮

二錢半 鹽水炒

香附

一錢 童便炒

貝母

三錢 水炒

生芩

一錢

黃連

一錢半 鹽水炒

黃芩

二錢 酒炒

黃柏

二錢 酒炒

梔子仁

二錢 炒

玄參

二錢 酒炒

木香

五分

檳榔

一錢

甘草

五分

右切分二劑生薑借用煎服

玄參貝母湯

治耳出汁作痒是痰所致也腎火上炎之象

防風

天花粉

貝母

黃柏

鹽酒炒

白茯苓

玄參

蔓荊子

白芷

天麻

各一錢

生甘草

五分

半夏

一錢

右切一劑煎服

奮龍散

治膿耳耳腎經氣實其熱上冲於耳遂使壅結為膿變成耳聾

亦有沐浴水入耳中濕氣停留交搏氣血釀成熱毒攻作膿汁者有

枯白礬一錢 龍骨一錢 黃丹一錢 胆脂一錢 射香少許

右為末待用先將綿杖子拭乾膿水以藥末吹入耳中勿令風鼓其耳

神効

聰耳湯 治耳重聽

當歸 白芍 川芎 生辛各一錢 黃精

知母各一錢 陳皮 烏藥各一錢 白芷 防風

羌活 獨活各一錢 細辛八分 薄荷八分 蔓荊子一錢

藁本一錢

右切一劑食後進連煎渣頭低一時頃少睡一時此藥方行也

薰耳神方 專治氣腫不論遠近神効但實聾不能取効

蘄艾一兩為粗末 磁石七錢 射香三分 珍珠七個

右用磁射珍三味為末今均將白絲一張鋪熱鐵器板上用黃礬

綿上分作數張綿上攤艾上糝藥捲作筒子點火仍用吹滅凡烟之狀
倒耳薰之重者三根其氣通而有聞力能隔耳透烟聾耳既通又將艾
塞其耳勿令散風功效不可盡言方寒不可藐視

犀角飲 治風熱上壅內瞤脊掣腫痛流膿出血

犀角

燒

石膏蒲

木通

苴菊花

玄參

赤芍

赤小豆

各三錢

苴草

後五分

也花

右切分二劑煎服

通氣散 治耳聾氣閉不通

茴香

木香

全蝎

玄胡

陳皮

菖蒲

各一錢

羌活

僵蚕

川芎

鯉翅

各五分

川山甲

二錢

苴草

一錢

右末每用三錢不拘時溫酒調服

三黃散

治耳內流膿



雄黃

雌黃

硫黃

各等分

右末用少許吹入耳中立効

透鐵關

治耳聾

活磁石二塊剉棗大尖頭捺射香少許用磁尖塞耳孔中口常含蜜一塊少時耳氣相通如有聲動三次見効

蜈蚣人耳方

用生薑汁灌耳中蜈蚣自出

耳鳴方

草烏頭

燒存性

石菖蒲

右等分爲末用綿裹塞耳一日三度

透耳筒

治耳聾回腎虛耳中如風水聲或如鍾鼓聲

椒目

巴豆

菖蒲

松脂

右等分爲末攤絛上捲作筒子塞耳內一日一換一方用蠟爲丸如棗



核塞耳中一方無松脂

清神散 治氣頭目不清耳常重聽

甘菊花

白殭蚕錢抄五錢

羌活

荊芥

木通

川芎

防風錢各四錢

木香一錢

石昌蒲

甘草各五分

右為末每用二錢食後清茶下

鷄卵滴法 治耳聾

新鷄卵

枚巴豆一枚去心膜

鷄卵上開一孔將巴豆納卵中用絛兩重面糊蓋孔與母鷄哺抱餘抱鷄子出為度取巴豆卵汁滴其耳中一日二次滴之五七日効

耳耳有膿

龍骨

枯礬

胭脂

海螵蛸

射香少許

右為末先拭淨耳將藥乾搽入耳見効

射香佛手散 治耳出血水又治小兒豆瘡出而即醫者神効

射香

少許

人牙

殺存性

右爲末每用少許吹入耳中血水卽乾小兒痘瘡現而卽醫者用一字酒調服卽出

鼻論

內經曰西方白色入通於肺開竅於鼻乃清氣出入之道路又曰鼻者肺之外候也丹溪曰肺之爲臟其位至高其體至脆其性惡寒惡熱好飲熱酒者始則傷於肺臟鬱熱之久鼻鼈准赤之狀而見於外矣得熱愈紅得寒愈黑此謂熱極反水之象經曰亢則害承乃制也或觸冒風寒始則傷於皮毛而成鼻塞不通之症或流濁涕或流清汁久而不已名曰鼻淵此爲外寒束內熱之症也原病式曰肺熱則出涕是也內經曰膽移熱於腦則爲辛頰鼻淵鼻中濁涕如湧水泉不滲而下則爲鼻衄血塞肉鼻癰等症所以右寸脈浮洪而數者爲鼻衄鼻鼈左寸脈浮緩爲傷風鼻塞鼻流清涕是也丹溪曰鼻爲肺之竅固心肺上病而不利

也有寒有熱寒邪傷於皮毛氣不利而壅塞熱壅清道氣不宜通寒則表之用麻黃桂枝之類熱則清之用芩連山梔之類依法究治未有不愈者矣所以鼻不聞香臭或遇寒月室塞或感風寒而閉不時舉發者世俗皆以肺寒而論用表解通利辛溫之藥不能取効殊不知肺爲火邪鬱甚則喜熱惡寒故遇寒而塞外感之也宜清肺降火爲主而佐以通氣之藥若如常鼻塞不聞香臭者審其平日厚味所居體何如而用藥或作肺熱治之清金瀉火消痰爲主平日無鼻塞之症偶感風寒而鼻塞較重或流清涕只作風寒外感治之謂其鼻竇者是亦鼻也由飲酒血熱薰肺外遇風寒血凝不散而赤色外見也亦有不飲酒而鼻自赤者肺風血熱之故其鼻瘡鼻痔鼻癰者皆曰肺熱所致但有淺深之不同受病之有異日久不已結成瘰肉如棗塞鼻中氣息不通不知香臭丹溪曰胃中有食積熱痰流注故濁凝結而生瘰肉也其謂熱者鼻流清涕也動者鼻流血也原病式曰皆屬少陰君火之病各宜求類治

之凡面之紫黑者面是陽中之陽鼻居面中一身之血運到面鼻之上俱爲至清至精之血多酒之人酒氣薰蒸而面鼻得酒爲極熱反赤血熱得冷而凝故色紫黑治宜化滯血生新血理固然矣四物加片苓紅花茯苓陳皮甘草生薑等藥煎調五靈末服如其氣弱者宜加黃芪又當驗其鼻尖之色青黃者淋也微白者亡血也赤者血熱也黃者小便難也或風邪入鼻搏於正氣邪正相擊鼻道不通則爲鼻痛夫五行之理微則當其本化甚則兼其鬼賊故經曰亢則害承乃制也易曰燥藥物者莫熯乎火以火煉金熱極而反化爲水反其熱極則及汗出也由是肝熱甚則出泣心熱甚則出汗脾熱甚則出涎肺熱甚則出涕腎熱甚則出唾經曰鼻熱甚則出濁涕前所云膽移熱于腦則辛頰鼻淵者濁涕不止也凡痰涎涕唾稠濁者火熱極甚銷燥所致也或言孰爲肺寒者誤也但言孰涕鼻窒胃塞則甚遂以爲然豈知寒傷皮毛則腠理閉密熱氣怫鬱而痛愈甚也及夫嚏者鼻中曰痒而氣噴作於鼽也鼻

爲肺竅痒爲火化心火邪熱於陽明發於鼻而痒則嚏也或以物擾鼻而痒作嚏者痒屬血或仰視日而嚏者由目爲五臟之精華太陽真火晃耀於目則心神躁亂而發熱於上則鼻中痒而作嚏也或傷寒病裏而作嚏者由火熱已退而虛熱爲痒痒發於鼻而嚏也或風熱上攻頭鼻壅滯脈浮而無他症者納藥鼻中得嚏則壅滯開通而愈或有痛處因嚏而痛不可忍者因嚏氣攻衝其結氣不得通利之故也數者之症同爲熱也鼻塞與嚏痒者熱客陽明胃之經也鼽涕者熱客太陰肺之經也蓋鼻者足陽明胃經所主陽明之脈左右相交注於鼻孔鼻乃肺之竅於肺氣通於鼻其邪熱干於二經發於鼻而爲室塞鼽涕之症故經曰心肺有病而鼻爲之不利也觀邪之所中何經所治則不失矣此亦言其大槩業醫者宜詳裁之

辛荑散 治肺氣爲四氣所干鼻中壅塞不通涕出不已不聞香臭

辛荑

川芎

木通

細辛

防風